

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članom 6. stav (1) Uredbe o podsticaju zapošljavanja i samozapošljavanja branilaca i članova njihovih porodica („Službene novine Zeničko-dobojskog kantona“, broj: 1/25) te članom 4. stav (11) Programa utroška sredstava Budžeta Zeničko-dobojskog kantona za 2026. godinu planiranih na razdjelu 24 - Ministarstva za boračka pitanja, izvor 10, namijenjenih za potrebe branilaca i članova njihovih porodica, broj: 02-11-1901/26 od 30.01.2026. godine, na prijedlog Ministarstva za boračka pitanja, Vlada Zeničko-dobojskog kantona, na 126. sjednici, održanoj 24.04.2026. godine, d o n o s i

O D L U K U

o usvajanju Programa podsticaja samozapošljavanja pripadnika branilačke populacije Zeničko-dobojskog kantona za 2026. godinu

Član 1.

(Predmet Odluke)

Usvaja se Program podsticaja samozapošljavanja pripadnika branilačke populacije Zeničko-dobojskog kantona za 2026. godinu, Ministarstva za boračka pitanja, koji čini sastavni dio ove odluke.

Član 2.

(Način realizacije)

Sredstva za provođenje Programa iz člana 1. ove odluke isplatit će se iz Budžeta Zeničko-dobojskog kantona za 2026. godinu ("Službene novine Zeničko-dobojskog kantona", broj: 24/25 i 5/26), sa razdjela 24 – Ministarstvo za boračka pitanja, budžetska organizacija 01, potrošačka jedinica 001, ekonomski kod 614200, subanalitika OAD 222 – “Transfer za podsticaj zapošljavanja branilaca i članova njihovih porodica“.

Član 3.

(Realizacija Odluke)

Za realizaciju ove odluke zadužuju se Ministarstvo za boračka pitanja i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-8459/26

Datum, 24.04.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,

1x Ministarstvo finansija,

1x „Službene novine Zeničko-dobojskog kantona“,

1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA BORAČKA PITANJA**

**PROGRAM
PODSTICAJA SAMOZAPOŠLJAVANJA PRIPADNIKA BRANIČKE POPULACIJE
ZENIČKO-DOBOJSKOG KANTONA ZA 2026.GODINU**

Zenica, april 2026. godine

SADRŽAJ

DIO PRVI - UVOD	2
DIO DRUGI – NOSIOCI REALIZACIJE I SARADNICI PROGRAMA	2
POGLAVLJE I. Nosioci realizacije.....	2
POGLAVLJE II. Saradnici u provedbi.....	2
DIO TREĆI - CILJ PROGRAMA I CILJNE GRUPE	2
POGLAVLJE I. Način ostvarenja cilja Programa.....	3
POGLAVLJE II. Ciljne grupe.....	3
DIO ČETVRTI – SREDSTVA ZA REALIZACIJU PROGRAMA	3
POGLAVLJE I. Osiguranje sredstava.....	3
POGLAVLJE II. Iznos odobrenih sredstava po korisniku.....	4
POGLAVLJE III. Način raspodjele sredstava po gradovima/općinama.....	4
DIO PETI - NAČIN REALIZACIJE PROGRAMA	4
POGLAVLJE I. Kriterij za izbor korisnika.....	5
POGLAVLJE II. Postupak po apliciranim zahtjevima.....	7
POGLAVLJE III. Zaključivanje ugovora.....	8
POGLAVLJE IV. Nadzor nad realizacijom programa zapošljavanja.....	8
DIO ŠESTI – ZAVRŠNE ODREDBE	8

DIO PRVI - UVOD

Članom 4. stav (11) Programa utroška sredstava Budžeta Zeničko-dobojskog kantona za 2026. godinu planiranih na razdjelu Ministarstva za boračka pitanja broj: 02-11-1901/26 od 30.01.2026. godine (u daljnjem tekstu: Program utroška sredstava) predviđeno je donošenje Programa podsticaja samozapošljavanja pripadnika branilačke populacije Zeničko-dobojskog kantona za 2026. godinu (u daljnjem tekstu Program).

Ovim programom utvrđuju se korisnici, uslovi i način ostvarivanja prava na podsticajna sredstva za samozapošljavanje pripadnika branilačke populacije, u skladu sa Zakonom o dopunskim pravima branilaca i članova njihovih porodica („Službene novine Zeničko-dobojskog kantona“ 15/24) i Zakona o pravima demobiliziranih branilaca i članova njihovih porodica („Službene novine Federacije BiH“ broj: 54/19, 29/22, 81/23, 60/24). Sredstva su osigurana u Budžetu Zeničko-dobojskog kantona za 2026.godinu na razdjelu 24, budžetska organizacija 01, potrošačka jedinica 001, ekonomski kod 614200, subanalitika OAD 222 – “Transfer za podsticaj zapošljavanja branilaca i članova njihovih porodica“ Ministarstva za boračka pitanja (u daljnjem tekstu Ministarstvo).

Sredstva podsticaja namjenjena su za sufinansiranje dijela troškova i naknada vezanih za pokretanje predloženih poslovnih aktivnosti pripadnika branilačke populacije, kao i unapređenje postojećih poslovnih djelatnosti pokrenutih ranijim programima Ministarstva, koji zadovoljavaju kriterije propisane Programom, odnosno javnim pozivom.

Pravo na podsticaj, pripadnici kategorija branilačke populacije utvrđenih Programom, ostvaruju na vlastiti zahtjev i na osnovu ugovora koji će biti zaključen sa izabranim korisnicima.

DIO DRUGI – NOSIOCI REALIZACIJE I SARADNICI PROGRAMA

POGLAVLJE I. Nosioци realizacije

Nosioци realizacije Programa su: Ministarstvo i gradske/općinske službe nadležne za poslove branilačko-invalidske zaštite (u daljnjem tekstu gradska/općinska služba).

POGLAVLJE II. Saradnici u provedbi

Saradnici u realizaciji Programa su:

1. Općina Breza
2. Općina Doboј Jug
3. Općina Kakanj
4. Općina Maglaj
5. Općina Olovo
6. Općina Tešanj
7. Općina Usora
8. Općina Vareš
9. Grad Visoko
10. Grad Zavidovići
11. Grad Zenica
12. Općina Žepče

DIO TREĆI - CILJ PROGRAMA I CILJNE GRUPE

Cilj ovog programa je rješavanje egzistencijalnog pitanja pripadnika branilačke populacije, kao i poboljšanje kvalitete života istih. Realizacija ovog programa doprinijet će poboljšanju ukupnih socijalno-ekonomskih prilika u lokalnim zajednicama i Kantona u cjelini.

POGLAVLJE I. Način ostvarenja cilja Programa

1. Cilj Programa se ostvaruje podnošenjem zahtjeva zainteresiranih pripadnika branilačke populacije koji su registrovali poslovnu djelatnost u periodu od 01.01.2025.godine, a zaključno sa danom okončanja javnog poziva raspisanog po ovom Programu.
2. Podsticaj se može odobriti u izuzetnim slučajevima i ranijem korisniku Programa podsticaja samozapošljavanja, što je posebno obrazloženo u četvrtom dijelu Programa.

POGLAVLJE II. Ciljne grupe

Pravo na podnošenje zahtjeva po ovom programu mogu ostvariti:

- a) dobitnik ratnog priznanja i odlikovanja;
- b) ratni vojni invalid;
- c) demobilizirani branilac koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu;
- d) član porodice šehida, poginulih, umrlih i nestalih branilaca-korisnik porodične invalidnine;
- e) član porodice poginulog, umrlog i nestalog dobitnika ratnog priznanja i odlikovanja -korisnik mjesečnog novčanog dodatka;
- f) član porodice umrlog ratnog vojnog invalida - korisnik porodične invalidnine i
- g) član porodice umrlog demobiliziranog branioca - supružnik koji nije zasnovao bračnu ili vanbračnu zajednicu i dijete dok je na redovnom školovanju.

Posebni korisnici

- a) dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja kojem je prestalo pravo na mjesečni novčani dodatak;
- b) dijete umrlog ratnog vojnog invalida kojem je prestalo pravo na porodičnu invalidninu do navršene 35 godine života;
- c) dijete umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu, do navršenih 35 godina života;
- d) dijete dobitnika ratnog priznanja i odlikovanja, do navršenih 30 godina života;
- e) dijete ratnog vojnog invalida do navršenih 30 godina života i
- f) dijete demobiliziranog branioca, koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca, odnosno 12 mjeseci, ukoliko je u OS pristupio kao maloljetno lice ili 6 mjeseci po punoljetstvu, do navršenih 30 godina života.

Lista posebnih korisnika – djece demobiliziranih branilaca formirat će se shodno učešću roditelja u sastavu Oružanih snaga u periodu od 06.04.1992. do 23.12.1995. godine, odnosno prioritet će imati korisnici čiji su roditelji proveli veći broj mjeseci u Oružanim snagama u navedenom periodu.

Navedena lista će se formirati na nivou grada/općine od strane gradske/općinske komisije.

DIO ČETVRTI – SREDSTVA ZA REALIZACIJU PROGRAMA

POGLAVLJE I. Osiguranje sredstava

Ministarstvo sufinansira realizaciju Programa u iznosu od 1.800.000,00 KM u skladu sa članom 4. stav (11) tačka d) Programa utroška sredstava, a u skladu sa dinamikom priliva budžetskih sredstava i brojem opravdanih zahtjeva, o čemu odluku donosi ministar Ministarstva.

Sredstva se osiguravaju za realizaciju slijedećih opcija Programa:

- Program „Prvi biznis“ i
- Program „Biznis plus“, kroz varijantu a) i varijantu b)

POGLAVLJE II. Iznos odobrenih sredstava po korisniku

Maksimalni iznos sredstava koji se može dodijeliti po opcijama Programa:

1. **Program „Prvi biznis“** - 12.000,00 KM, u slučaju kada je podnosilac zahtjeva, registrovao planiranu djelatnost ne ranije od 01.01.2025. godine, a zaključno sa danom okončanja javnog poziva po ovom programu.
2. **Program „Biznis plus“**
 - **Varijanta a)** – od 3.000,00 do 10.000,00 KM korisniku Programa podsticaja samozapošljavanja ovoga Ministarstva iz prethodnih godina, koji je od 01.01.2025. godine do okončanja Javnog poziva zaposlio jednog ili više radnika pod uslovima:
 - da se sredstva ne mogu dodijeliti za zaposlenje lica za koje je aplikant ranije koristio ovo pravo i
 - da se zaposleno lice vodilo na evidenciji nezaposlenih lica nadležne Službe za zapošljavanje najmanje dva mjeseca prije stupanja u radni odnos.Iznos sredstava poticaja za korisnike koji zaposle jednog radnika je 3.000,00 KM, za zapošljavanje dva radnika 6.000,00 KM, a za zapošljavanje tri i više radnika 10.000,00 KM.
 - **Varijanta b)** - od 1.000,00 KM do 7.000,00 KM korisniku Programa podsticaja samozapošljavanja ovoga Ministarstva iz prethodnih godina, koji je zadržao poresku registraciju i izmirio sve poreske obaveze za 2025. godinu srazmjerno visini uplaćenog poreza na dobit.
 - **Varijanta c)** - 1.000,00 KM korisniku Programa podsticaja samozapošljavanja ovoga Ministarstva iz 2025. godine po Programu „Prvi biznis“, koji je zadržao poresku registraciju i izmirio sve poreske obaveze za 2025. godinu.

POGLAVLJE III. Način raspodjele sredstava po gradovima/općinama

Sredstva se okvirno raspoređuju u skladu sa procentualnim učešćem pripadnika branilačke populacije na teritoriji grada/općine u odnosu na ukupan broj pripadnika branilačke populacije na teritoriji Kantona.

U slučaju nedovoljnog broja opravdanih zahtjeva u jednom gradu/općini, sredstva namjenjena tom gradu/općini mogu se koristiti za finansiranje projekata zapošljavanja i samozapošljavanja u drugim gradovima/općinama.

DIO PETI - NAČIN REALIZACIJE PROGRAMA

U cilju realizacije, te efikasnijeg provođenja Programa, ministar Ministarstva formira Komisiju Ministarstva u čijem sastavu su najmanje tri člana i donosi Instrukciju koja se dostavlja gradskoj/općinskoj službi.

Gradska/općinska služba dužna je formirati Komisiju za provođenje ovog postupka, u sastavu od najmanje tri člana.

Ministarstvo nadležnoj gradskoj/općinskoj službi dostavlja usvojeni Program, Instrukciju, obrazac zahtjeva za poticaj samozapošljavanja, obrazac elektronske evidencije o podnesenim zahtjevima i korisnicima, obrazac uvjerenja o učešću u prethodnim projektima samozapošljavanja Ministarstva i tekst Javnog poziva koji će nadležne službe objaviti na oglasnoj ploči grada/općine i općinskih branilačkih udruženja i u sredstvima javnog informisanja.

POGLAVLJE I. Kriterij za izbor korisnika

A. „Prvi biznis“ – lica koja su registrovala poslovnu djelatnost

Kriteriji za podnosiocje zahtjeva:

1. pripadnost branilačkoj populaciji;
2. prebivalište na teritoriji ZDK u trajanju od najmanje 24 mjeseca prije podnošenja zahtjeva, osim povratnika u RS;
3. da je podnosilac zahtjeva bio na evidenciji Službe za zapošljavanje najmanje dva mjeseca prije registracije djelatnosti
4. izmirene poreske obaveze;
5. registracija planirane poslovne djelatnosti;
6. plan poslovanja;
7. sredstva po ovom programu mogu biti dodijeljena za djelatnost registrovanu pod određenim ID brojem samo jednom kandidatu iz jednog porodičnog domaćinstva;
8. raniji korisnici sredstava po Programu-„Prvi biznis“ ne mogu aplicirati po ovom programu;
9. aplikanti koji registruju sezonski aktivne obrte ne mogu ostvariti pravo na poticaj po ovom programu.

Uz obrazac zahtjeva podnosi se slijedeća dokumentacija:

1. dokaz o pripadnosti branilačkoj populaciji: rješenje o ličnoj ili porodičnoj invalidnini, uvjerenje o provedenom vremenu u oružanim snagama podnosioca zahtjeva, odnosno roditelja ili supružnika ukoliko zahtjev podnosi dijete demobiliziranog branioca ili supruga umrlog demobiliziranog branioca;
2. uvjerenje o kretanju izdato od nadležnog MUP-a;
3. uvjerenje nadležne Službe za zapošljavanje da je podnosilac zahtjeva bio na evidenciji Službe za zapošljavanje najmanje dva mjeseca prije registracije djelatnosti;
4. uvjerenje nadležne Poreske uprave o izmirenim poreskim obavezama;
5. dokaz o registraciji biznisa kao osnovne djelatnosti nakon 01.01.2025.godine, a najkasnije sa danom zatvaranja javnog poziva po ovom Programu (rješenje nadležne gradske/općinske službe o registraciji djelatnosti i ID broj iz Poreske uprave);
6. plan poslovnih aktivnosti kojim će podnosilac zahtjeva dokazati poznavanje planirane poslovne aktivnosti sa stanovišta ulaganja, profita i tržišta za istu. Isti mora sadržavati minimalno slijedeća poglavlja:
 - a) Uvod- opis djelatnosti i predmet poslovanja
 - b) Ciljevi poslovanja- narativno opisati ciljeve poslovanja sa akcentom plana utroška sredstava za koje aplicira;
 - c) Plan prihoda, rashoda, poslovni rezultat i investiranje- tabelarni prikaz traženih parametara koji će sadržavati uvid u utrošak sredstava za koje aplicira;
7. izjava supruge umrlog demobiliziranog branioca da je sa istim živjela u braku najmanje dvije posljednje godine dana prije smrti.
8. rješenje nadležnog organa o dodjeli licence za obavljanje djelatnosti za koje je potrebna licenca/saglasnost u skladu sa Zakonom o obrtima i srodnim djelatnostima (prevoznike djelatnosti, privatne škole i vrtići, agencije za zapošljavanje, turističke agencije, privatne ordinacije, apoteke i sl.)

B. "Biznis plus"

➤ Varijanta a)- korisnici prethodnih Programa zapošljavanja koji su zaposlili jednog ili više radnika

Kriteriji za podnosiocе zahtjeva:

1. izmirene poreske obaveze;
2. zasnivanje radnog odnosa jednog ili više radnika;
3. uspješno učešće u prethodnim projektima Ministarstva.

Uz obrazac zahtjeva podnosi se slijedeća dokumentacija:

1. uvjerenje nadležne Poreske uprave o izmirenim poreskim obavezama za aplikanta i registriranu djelatnost;
2. uvjerenje nadležne Službe za zapošljavanje da je zaposleno lice bilo na evidenciji Službe za zapošljavanje prije stupanja u radni odnos;
3. obrazac JS 3100- Prijava osiguranja za zaposleno lice- izdat od nadležne Poreske uprave;
4. obrazac JS 3650- Informacija o uplaćenim doprinosima za zaposleno lice- izdat od nadležne Poreske uprave;
5. uvjerenje nadležne gradske/općinske službe o učešću u prethodnim projektima zapošljavanja i samozapošljavanja Ministarstva;
6. potvrda o kretanju izdata od strane nadležnog MUP-a za zaposleno lice (Uvjerenje PBA-4A).

➤ Varijanta b) - korisnici prethodnih Programa samozapošljavanja koji su uspješni u poslovanju

Kriteriji za podnosiocе zahtjeva:

1. aktivna registracija poslovne djelatnosti;
2. izmirene poreske obaveze;
3. uspješno učešće u prethodnim projektima Ministarstva.
4. iznos uplaćenog poreza na dobit za 2025. godinu u minimalnom iznosu od 1.000,00KM.

Uz obrazac zahtjeva podnosi se slijedeća dokumentacija:

1. izvod iz registra poslovnih subjekata porezne uprave kao dokaz o aktivnoj registraciji djelatnosti;
2. uvjerenje o izmirenim poreskim obavezama za podnosioca zahtjeva i registrovanu djelatnost;
3. uvjerenje nadležne gradske/općinske službe o učešću u prethodnim projektima zapošljavanja i samozapošljavanja Ministarstva.
4. Godišnja prijava poreza na dohodak (GPD-1051) ili godišnja prijava poreza na dobit (PP-801) ovjerena od nadležne porezne uprave i dokazi (uplatnice banke) o uplaćenom porezu na dohodak/dobit.

➤ Varijanta c) - korisnici sredstava po Programu „Prvi biznis“ iz 2025. godine koji su zadržali poresku registraciju i izmirili sve poreske obaveze za 2025. godinu

Kriteriji za podnosiocе zahtjeva:

1. aktivna registracija poslovne djelatnosti;
2. izmirene poreske obaveze za 2025. godinu;
3. uspješno učešće u Programu „Prvi biznis“ za 2025. godinu.

Uz obrazac zahtjeva podnosi se slijedeća dokumentacija:

4. izvod iz registra poslovnih subjekata porezne uprave kao dokaz o aktivnoj registraciji djelatnosti;
5. uvjerenje o izmirenim poreskim obavezama za podnosioca zahtjeva i registrovanu djelatnost;
6. uvjerenje nadležne gradske/općinske službe o učešću u Programu „Prvi biznis“ za 2025. godinu.

POGLAVLJE II. Postupak po apliciranim zahtjevima

Rad gradske/općinske komisije

Gradska/općinska komisija je dužna, nakon okončanja Javnog poziva, izvršiti slijedeće radnje:

1. utvrditi urednost i kompletnost zaprimljenih zahtjeva;
2. donijeti zaključak o odbacivanju zahtjeva koje ocjeni neurednim, neblagovremenim ili podnesenim od strane neovlaštenog lica;
3. izvršiti terenski uviđaj po zahtjevima koji su aplicirani za „Prvi biznis“, kojim provjerava tačnost informacija navedenih u zahtjevu za podsticaj, te o istom sačiniti zapisnik u čijem prilogu su fotografije sa terena (za djelatnosti za koje je moguće izvršiti terenski uviđaj);
4. formirati Listu posebnih korisnika – djece demobiliziranih branilaca shodno učešću roditelja u sastavu Oružanih snaga u periodu od 06.04.1992. do 23.12.1995. godine
5. formirati Listu urednih zahtjeva i istu sa spisima predmeta dostaviti Ministarstvu na dalje postupanje;
6. donijeti rješenja o odbijanju zahtjeva postupajući po obavijesti Ministarstva, sa poukom o pravnom lijeku prava na žalbu Ministarstvu u roku od osam dana od prijema rješenja;
7. zaprimati žalbe, cijeliti blagovremenost, dopuštenost i ovlaštenost istih, te ih uz popratni akt i spis predmeta dostavljati Ministarstvu na dalje postupanje;
8. zaključiti ugovore sa Ministarstvom i korisnikom odobrenih sredstava;
9. vršiti isplatu odobrenih sredstava korisniku, u skladu sa Odlukom Ministarstva i zaključenim ugovorom;
10. dostavljati pravdanje Ministarstvu o isplaćenim sredstvima korisniku, u roku od 15 dana po isplati istih;
11. voditi evidenciju o dodijeljenim podsticajnim sredstvima na obrascu koji propisuje ministar Ministarstva;
12. vršiti provjeru o izmirenim poreskim obavezama korisnika podsticajnih sredstava, prije isplate istih.

Rad Komisije Ministarstva

1. izrada Instrukcije i obrazaca zahtjeva, elektronske evidencije i uvjerenja o učešću u prethodnim projektima zapošljavanja i samozapošljavanja Ministarstva;
2. zaprimanje liste urednih zahtjeva i ocjena istih sa aspekta:
 - kompletnosti dokumentacije;
 - izvodivosti plana poslovanja;
 - profitabilnosti poslovne djelatnosti;
 - materijalne opremljenosti i obučenosti za poslovnu djelatnost;
 - konkurentnosti na tržištu;
 - sačinjenog terenskog uviđaja i neposrednog uviđaja koji će se izvršavati po potrebi.
3. izrada zapisnika o ocjeni zahtjeva;
4. formiranje konačne Liste uspješnih zahtjeva;
5. donošenje obavijesti o odbijanju zahtjeva sa naznačenim pravnim osnovom iz Poglavlja II. ovog Programa, i dostavljanje istih nadležnoj gradskoj/općinskoj službi;

6. donošenje odluka o dodjeli podsticajnih sredstava i prosljeđivanje istih nadležnoj gradskoj/općinskoj službi;
7. izrada ugovora o dodjeli podsticajnih sredstava, kojim će biti detaljno regulisane sve obaveze Ministarstva, grada/općine i korisnika;
8. transferisanje odobrenih novčanih sredstava nadležnoj gradskoj/općinskoj službi;
9. vođenje evidencija o dodijeljenim podsticajnim sredstvima na propisanom obrascu;
10. arhiviranje predmeta vođenih po ovom programu.

POGLAVLJE III. Zaključivanje ugovora

Ministarstvo, grad/općina i pripadnik branilačke populacije, kojem su odlukom dodjeljena sredstava za podsticaj samozapošljavanja po ovom programu, zaključuju ugovor kojim će biti detaljno regulisane sve obaveze navedenih strana.

Korisnik sredstava dodjeljenih za „Prvi biznis“ dužan je zadržati registrovnu djelatnost 24 mjeseca računajući od dana potpisivanja ugovora.

POGLAVLJE IV. Nadzor nad realizacijom programa samozapošljavanja

Ministarstvo vrši nadzor nad realizacijom ovog programa samozapošljavanja u bilo koje vrijeme trajanja postupka.

DIO ŠESTI – ZAVRŠNE ODREDBE

Program podsticaja samozapošljavanja Ministarstva ne isključuje mogućnost korištenja sredstava programa za podsticaj samozapošljavanja drugih organa koji provode programe za ove namjene.

U slučaju nedostatka sredstava po ovom programu i postojanja zahtjeva koji ispunjavaju propisane uvjete, navedeni zahtjevi prioritarno će se rješavati u narednoj budžetskoj godini, a uz saglasnost korisnika.

Sve imenice koje se odnose na bratioce i članove njihovih porodica upotrebljene u ovom programu u muškom/ ženskom rodu, odnose se na oba spola.

Broj: 02-11-845926

Datum, 24.04.2026. godine

Zenica

PREMIJER

Nezir Pivić